

Ленинэнь киява

ВЛКСМ-нь Мокшэрзянь обкомонть ды Саранскоень ошонь комитетэнь газетаст

МАЕНЬ

24 чи,

1937 иэ

№ 58 (732)

ЛСС

7-дө нө
чинь 1937

ВКП(б)-нь ЦК-в—

И. В. СТАЛИН ялгантень

СССР-нь Совнаркомов—

В. М. МОЛОТОВ ялгантень

Пачтятано куля Диксон островонь радиостанциянь вельде по-лучазь радиограммодонть:

„Москов, Главсевморпуть—Янсоннэнь, Бергавиновнэнь.

Рудольфонь остров—Шевелевнэнь.

11 чассто 10 минутасто „СССР—Н—170“ самолетось Водопья-новонь, Бабушкинэнь, Спиринэнь, старшей механикенть Бассейнэнь ветямост коряс ливтась пеле ве ено полюсонть вельска.

Страховкань кис ютынек седеяк эшо васов. Мейле Водопьянов валгсь 1750 метрasto 200 метрань сэрсь свал пелень пачк, карминек вешнеме эй, штобу валгомс ды теэмс научной станция.

11 чассто 35 минутасто Водопьянов пек парсте валгсь. Жалятано, што полюсонть пачкодемадо телеграмманы кучомсто атак учне теевсь короткой замыкания. Маштсь рациянь умформерэсь, лоткась радиосвязесь, кова ушодовсь анык ней полярной од стан-циясо рациянь аравтомадо мейле. Эсь, конань лангс минь лоткинек, ашти, примеркс, 20 километрсо полюсонть томбале ды а ламодо чи валгома ено Рудольфонь меридианонть эйстэ. Положениянь уточ-ним. Эсь допрок маштови научной станциякс, эсь каднови дрейф-сэ полярной бассейнань центрсо. Тесэ можна теэмс пек вадря аэ-родром станциянь грузонть марто меельс самолетнэнь примамонть туртов.

Марясынек, што связенть сеземасонзо теинек тынек ламо бес-покойства. Пек жалятано. Седейшчавань поздоровт.

Эвялдан евтомо партиянтень ды правительствантень заданиянь васенце пельксэнзэ топавтомадо

Экспедициянь начальникесь Шмидт*.

Главсевморпуть начальникенть обязанностиэзэ топавтыцясь Н. Янсон.

Политуправлениянь начальникесь С. Бергавинов.

— 000 —

ШИШКИН АНОКСТЫ КОМСОМОЛС СОВАМО

Н. И. Шишкин те нестэнтъ пря-ды Кабай велень средней школань 7-це классонть. Сон—вадря тонав-тиция. Ней эсь прянзо аноксты ком-сомолс совамо. Тонавтни ВЛКСМ-нь уставонть, программанть ды лия материалтнэнь.

Но эрви меремс, што школань комсомолонь организациясь бе-ряньстэ роботась аволь союзной од ломантнэнь ютксо комсомолс

анокстамонть коряс. Ней вана Ши-шкиннэньгак мезьсэяк а лезды. Комсоргось, бульчом, арси, што ней тонавтнема иесь прядови, секс а мезть мелявтомскак мездеяк, сы иенть учомс. Те пек авиде. Эрви аволь союзной од ломантнэнь ютксо роботамс, лездамс тест, сех вадрятнэнь анокстамс комсомолс.

А. И. Ярославкин.

Дубенкань район.

ПЕЛЕВЕ ЕНО ПОЛЮССО КАРМИ ЛЫЙНЕМЕ МИНЕК РОДИНАНЬ ФЛАГОСЬ

Воздушной экспедициясь пеле ве ено полюсов анокстась кувать. Вадрясто ды покш мелень явозь кочказельть ломантне, материал-ной частесь, снаряжениясь. Прави-тельствась экспедициянь распоря-женияс макссь 4 мотор марто „АНТ—6“ цельнометаллической стака 4 самолетт ды коштонь „АНТ—7“ кавто моторсо корабля.

Нетъ самолеттнэсь эрявкшнось пачкодемс пеле ве ено полюсов, валгомс тозонь ды дрейфующей эенть лангс кадомс ученойтнэнь группанть, конань прывтсо ашти содавикс полярникесь-орденоносе-цэсь И. Д. Папанин.

Экспедициясонть васень кораб-лянь командирэкс ды теке марто вейсэ стака самолетонь весе от-рядонть командирэкс аравтозь Со-ветской Союзонь героемь М. В. Водопьянов. Лия кораблянь ко-мандиртнэ: Советской Союзонь героемь В. С. Молоков, полярной летчиктнэ-орденоносцитнэ: А. Д. Алексеев ды И. П. Мазурук. Эк-спедициянь флаг-штурманось—ми-нек авиациянь сехте опытной штурмантнэстэ вейкесь—ордено-носец майор И. Т. Спирин. Ливтя-мосонть Спирин ялгантень савсь ветямс самолетонть вейкине ме-тодсо—астрономической ориенти-ровкасо, лиякс меремс менелень светилатнэнь коряс.

Кораблятнэнь омбоце пилотокс ливтять: полярной содавикс пило-тось-орденоносецэсь М. С. Бабуш-кин, летчикт—Г. К. Орлов, М. И. Козлов, А. Г. Крузе. Экспедиция-сонть весемезэ лововить 42 ло-манть. Экспедициянь прывтокс ашти пеле ве ено иневедень кинть главной управлениянь начальни-кесь академик О. Ю. Шмидт.

Стака самолетонь отрядонть ко-мандирэсь Советской Союзонь ге-роесь Водопьянов мелят ливтнэсь Франц Иосифень мода лангс сень кис, штобу практикасо тонавтнемс нетъ широтатнэсь эень ды мете-орологической обстановкатнэнь.

„Те ливтямодонть мейле,—Водо-пьянов ялгась ТАСС-онь коррес-пондентэнтень пачтись куля,—

арасельть кодаткак а кемемат, што полюсонть можна изнямс аны-сак самолетонть лезксэнзэ коряс. Высокоширотной экспедициясь уль-нэсь тешкстазь главсевморпуть роботань планс.

Народтнэнь вождесь, летчикт-нэнь сехте вадря оясь И. В. Сталин ялгась шнынзе минек ушодк-сонок ды мерсь седе парсте анок-стамс экспедициянь. Эзь юта эшо иеяк, кода минь туинек по-люсонть штурмовамо.

Сталин ялгась пек покш мелень явозь вансь высокоширотной эк-спедициянь анокстамонзо мельга. Сон сонсь ваннось минек ендю максозь экспедициянь составонть ды кемекстызе сонзэ.

Сталин ялганть минек истямо покш мелень явомазо кирвастсь минек эйс бороцямонь бажамо ды макссь изнямонь мейсэяк а лоткав-товиця кемема. Минь изнятань! Пелеве ено полюссонть карми лыйнеме минек родинань флагось“!

Мартонь 15-це чинтень самолет-тнэ ульнэсть анокт. Но погодась мешась арктической ливтямонть ушодомантень.

Мартонь 22-це чистэ Московонь аэродромтнэстэ вейкестэнтъ Ру-дольфонь остров ливти Голо-вин летчикесь. 3 часонь ютазь ке-педсть верев коштонть стака ко-раблятне, конатнэнь ветясть Совет-ской Союзонь геройтне М. В. Во-допьянов, В. С. Молоков ды по-лярной содавикс летчиктнэ—А. Д. Алексеев ды И. П. Мазурук. Сто-лицасто ливтямодонть мейле экспе-дициясь сеске жо вастсь ловонь прамо, мейле жо понгсь пиземень полосас. Коштонь кораблянь ко-мандиртнэ кораблятнэнь ветясть пек алга.

Апрелень 19-це чистэ стака ве-се кораблятне вадрясто валгсь Рудольфонь островонть аэро-дромс, кона ашти пеле ве ено ши-ротань 82-це параллельсэнтъ. Мос-ковсто Рудольфонь островс весе кинть, конань кувалмозо малав 4 тыщат километрат, сынь ютазь ливтямонь 18 час 49 минутас.



СНИМКАСОНТЬ: Пелеве ено (Северной) Полюсонть экспедициянь начальникесь-академикесь Отто Юльевич Шмидт; экспедициянь участниктнэ Советской Союзонть геройтне М. Водопьянов, В. Молоков ды полярной летчикесь М. Бабушкин.

МАССР-нь Конституциянь проектэнь толковитъ лавшосто

Дубенкань район. Кабай велень комсомолетнэ эзь снартнеяк Мокшэрзянь республикань Конституциянь проектэнь толковамо. Сынъ ловить, што сынест а мезекс содамс эсинек Конституциянь, а мезть сынест кортнемстедэ, а ютко тест, сынъ эсь койсэст арситъ, што теить лия „покш тевть“. Алкукс жо мезьсэяк эщо паро ендэ эзизь невте эсь прят комсомолетнэ.

Ды аволь ансяк комсомолонь организациясь, но школань дирекцияськак эзь арсеяк тонавницияне ютксо толковамс МАССР-нь Конституциянь проектэнь.

Андреевич.

Газетатнесэ умок уш ульнесь печатазь МАССР-нь Конституциянь проектэсь. Пединститутонь партийной ды комсомольской организацияне жо Конституциянь проектэнь толковамонзо эзизь организова. Маень 11-це чистэ ульнесь теезь студенттнэнь вейсэнь промкс. Те промксонть ульнесь снартнемка Конституциянь проектэнь толковамонтень. Но мезе лиссь? Промксонтень кияк кодамояк анокстамо эзь веть. Ламо студентт овси эзизь ловно Конституциянь проектэнь, секс промксосыкак ютась косыкстэ, активность кодамояк арась ды кортасть как ансяк кавто ломанть. Мейлетейсть решения: „Шнамс МАССР-нь Конституциянь ды теемс ящик, козонь студенттнэ кармить нолдтнеме эсист дополненияст ды замечанияст...“ Ды весе.

Ф. Гурьянов.

ИСПЫТАНИЯТНЕ НЕВТИТЬ КИТЬ КОДА ТОНАВТНЕСТЬ

Сетне тонавнициятненень, конат весе иенть перть парсте анокстакшныльть уроктнэс, ловныльть эрявикс литературанть, тонавнестъ парсте ды отличностэ, конат кода эряви анокстастъ, сетне зачетнэньгак макссызь седе парсте. Сынъ кеместэ, атак пеле, видестэ отечить весе кевкстематненъ лангс.

Вана Саранскоень 5-це аволь полной средней школасонть рузонь келенть коряс испытаниятненень 7-це классонь тонавнициясь Вана Куренков максынзе отличностэ, Вана активный пионер, весе школасонть советэнь член. Тонавтнама иенть перть ульнесь сех дисциплинированной, отметканзо—парт ды отличной. Сонзэ улить оборонной колмо значоконзо.

7-це классонь тонавнициясь Суворцева Люба рузонь келенть коряс испытаниятненень максынзе отличностэ. Сон пионерка. Рязанцева кочказь пионерской звенань вожатойкс. Сонзэ звенасонть весе пионернэ активный ды тонавниция вадрасто.

Испытаниятненень васень частенть 6-це классонь тонавнициясь Зиновьева Нина математикань коряс письменной роботанть теизе отличностэ.

Ветече школасонть зярыя лия тонавницият васень читнестэ уш невтизь, што сынъ тонавнестъ вадрасто, испытаниятненень анокстастъ парсте, ды сынст макссызь отличностэ.

Теке жо шкане те школасонть

улить истяткак, конат иенть перть как тонавнестъ беряньстэ ды испытаниятнесэяк а отвечать кевкстематненъ лангс. Вана, примеркс, 7-це классонь тонавнициятне Абу-деева Валя ды М. Баланаева рузонь келенть коряс испытаниятнесэ часть пек берянь отметкат. Сынъ кавонест пионер, но малав овси а роботыльть, тонавнестъ беряньстэ, уроктнэс сакшныльть атак анокста, эзь анокста испытаниятнененьгак. Эряви меремс, што 5-це школасонть улить лияткак истят тонавницият. Но сынест кодамояк лездемо арасель. Ней, зярдэ неть тонавнициятне васень читнестэ уш беряньстэ макссызь испытаниятненень,—сынъ прят нолдызь алов ды овси ай анокстыть лия предметнэнь коряс. Сынъ арситъ, што ней сынест яла теке. Те а виде. Эряви весе виенть пүтомс сенень, штобу омбоце ие а кадовомс вейке класс, эряви парсте максомс испытаниятненень весе лия предметнэнь коряс ды мейле можна одов максомс (парсте анокстамо мейле) сетъ предметнэньгак, конатненъ коряс испытаниятне васень шкастонть максозь беряньстэ.

Школань пионерской отрядтненень ды отличниктненень эряви лездеамс удалов кадовозь ялгатненень.

**ВЛКСМ-нь Саранскоень
комитетсэнь пионернэнь
отделэнь заведующеесь
ВАСИН.**

ИСПЫТАНИЯТНЕНЬ ВАСЕНЬ ЧИСЬ

Косогор велень аволь полной средней школасонть испытаниятненень васень чись ютась парсте.

Весе класктнэсэ понавтнезь лозунгт ды плакат проверочной испытаниятнеде. Вальматненъ ды столтнэнь лангс—цеият. Комнатасонть, косо эйкакштнэ учость очердест, ульнесь весела: налкесъ патефон, эйкакштнэ морасть балайкаксо ды гармониясо. Ламот ловность книгат ды газетат.

Васень чистэнь испытаниятне

ульнестъ географиянь коряс. Учителентъ кевкстнематненъ лангс тонавнициятне отечить смелстэ ды видестэ Шарков Гава, Мазаркин Митя, Пугалкин Сережа, Маркина ды эщо колмо тонавницият испытаниятненень географиянь коряс макссызь отличностэ. 17 ломанть парсте, 13—посредствено. Берянь тешкст киньгак арась.

Мокшов Н.

Покш Березинкенъ район.



Фрунзе лемсэ Якстере Армиянь Центральной кудонь парконт кизень сезонть панжомантень (Москов).

СНИМКАСОНТЬ: „Комсомолось—Якстере флотонь шеф“ скульптурась, конась аравтозь парконт аллеясо (роботась—Алешин скульпторонть).

А мелявтыця дирекция

Мокшэрзянь рабфаксонть испытаниятненень анокстыть беряньстэ. Зярыя предметнэнь коряс консультация а ветить, удалов кадовозь студенттнэненъ а лездеить.

Дирекциясь жо... мездеяк а мелявты, испытаниятненень парсте анокстамось ды сынст ютавтомась те прок тевесь аволь сонзэяк эли уш кеми „кодаконтъ“ лангс.

П.

ОГОЛТЕЛОИ ФАШИСТСКОЙ КОНТРЕВОЛЮЦИЯНТЕНЬ ТРОЦКИЗМАНТЬ КИЗЭ*)

Империалистической войнанть иетнестэ (1914—1917) большевистской партиясь ульнесь вейкине истямо партиякс, кона робочей классонть икелев аравтызе се задачанть, штобу империалистической войнанть теемс гражданской войнакс, се задачанть, штобу войнасонть улелель изнязь Россиянь правительствасъ, се задачанть, штобу фронтнэсэ теемс солдаттнэнь братания ды войнанть нолдамс тевс революциянь интереснэс. Меньшевиктнэ истя жо, кода II-це интернационалонтъ весе оппортунистической пельксэськак, занясть оборонческой позиция, стясть эсь отечестванть ваносто, буржуазиянтнэ лездемо ды ульнестъ сень кис, штобу войнанъ шкастонть а ветьамс классовою кодамояк бороцямо. Троцкий се шкастонть совакшность центристнэнь юткс, большевиктнэненъ враждебной течениянтень. Центристнэ валсо ульнестъ мирэнь кис, сынъ кортнестъ „кежей ды страшной“

*) Ушодксонзо ваят ютась М-стэ.

П. ЛАВРЕНТЬЕВ

войнадонтъ, но мезтькак эзь тейне сень туртов, штобу мешамс те войнантень, лангс эзь тарга наявонь шовинисттнэнь, эзь терде эсь правительстванть поражениянтень. Мирэнь лездемозэ туманной оппортунистической пизнематнесэ сынъ ансяк теилть зыян империалистической войнанть каршо алкуксонь революционной бороцямонтень. Троцкий эцекшнэсь центристнэнь кода мерить „керш“ крылантень, сон уш сестэ весе вийсэ бороцясь вейке масторсо социализманть строямонь возможностедентъ ленинской учениянь каршо.

Февральской буржуазно-демократической революциядонтъ мейле минек партиясь робочей классонть ветьась революциянтъ од этапонзо кис, Временной правительстванть ертоманзо кис ды пролетариатонтъ диктатуранъ теаманть кис бороцямо. Большевистской партиянь котоце с'ездэсь (1917 иень август) историянтень совась истямо с'ездэкс, конась партиянь основной задачкас аравтызе вооруженной

восстанияс анокстамонть. Сталин ялгась, ленинской указаниянтень коряс с'ездэнь роботанзо ветьазь, громизне весе нернициянтень, а кемизнтень ды троцкизманть оруженосецтнэнь,—Каменевень, Преображенскоень, Рыковонь ды лиятненъ, конат мольсть вооруженной восстаниянь каршо. Сень неезь, што массатне молить большевиктнэнь мельга, Троцкий аламс кемизинзе оппортунистической, предательской взглядонзо ды совась минек партиянтень.

Каменев ды Зиновьев Октябриянь шкастонть невтизь эсь прят революциянтъ презренной предателекс, мольсть восстаниянь каршо ды буржуазиянтень евтызь восстаниядонтъ ды сонзэ ютавтомань шкадонть партиянь секретной планонзо. Троцкий алкуксонъ тевсэ ульнесь восстаниянь каршо. Сон мернесь учомс советтнэнь II-це с'ездэнь пурнамонь шканть ды ансяк с'ездэнь меремадонзо мейле ушодомс восстания. Ды бути большевиктнэ изнясть 1917 иень Октябрыстонть, то ансяк секс, што сынст кис, васняк, ульнестъ трудиянтень ютксо сех пек ламотне, омбоцекс—восстаниянь ветьамонъ весе тевентъ саизь эсь кедьс, колмоцекс—пошдаавтомо тапизь эсь

рядтнэстэ весе предательтненъ ды кавтолдыцтнэнь.

Троцкий восстаниянтень мольсь истя, што сон кекшекшизе вейке масторсо социализманъ строямонь возможностедентъ Ленинэнь тонавтоманть марто а согласамонзо ды салава кемсь революциянтъ лондадомантень. Каменевень ды Зиновьевень вейс Троцкий марто сюлминзе минек масторсо социализманть изнявксонтень сынст вейсэнь а кемемась.

Октябрыдонтъ мейле шкась сех парсте невтизе, што Троцкий ды троцкистнэ, минек партиянтень совазь, зярдок эзь ульне алкуксонь большевикекс, што сынъ ансяк аламс кекшекшизнь партиянтъ марто эсист разногласияст. Историянтъ эрва покш поворотонъ шкастонть, социалистической строителстванть неть эли нонат стакантень появямсто троцкизмась таргилize чемениязь шпаганзо ды снартниль атаковамс минек партиянтъ линиянзо.

Революциянтъ пек стака шкастонть, зярдэ советской государствантень савсь теемс кабалной брестской договор германской империализманть марто, Троцкий бажась сеземс мирной переговорнтнэнь, яволявсь авантюристичес-

КОЛСИТЬ ВЛКСМ-НЬ УСТАВОНТЬ

ВЛКСМ-нь уставонть 3-це пун ктсо сермадозь: „Комсомолонь членкс примавить робочейтнень, крестьянтнень ды служащейтнень юктсто икеле молиця, проверязь, Советань властенень преданной од ломантне.

Сестэ, бути комеомолонь рядтнэс совамо бажиясь эшо аволь сатышкасто анокстась ВЛКСМ-нь членкс сонзэ примамонть туртов, сон примави кандидатокс 6-ковс“.

Саранскойсэ комсомолонь ламо организацият эзизь чаркоде тень ды эсист роботаст ветить аволь видестэ. Сынь допрок а ванить од ломантнень икелев молема чистлангс. Сынь тонадсть ваномо ансяк сень лангс, кода комсомолс совиясь содасы уставонть ды программанть. Уставонть аволь видестэ чаркодемась кой-кона организациятнень пачтинзе сенень, што сынь комсомолс примить ве-семень, кинь ансяк ули мелезэ.

ВЛКСМ-нь уставонть сермадозь: „Комсомолс примамондоть икеле эривить проверямс основной даннойтнень, конатнень эсинзэ кувалт евтынзе комсомолс совиясь...“ Но вана фельдшерско-акушерской школасо комсомолонь организациясь эзизе чаркоде уставонь те пунктонт.

Те школань Шаронова Нюра тонавтицясь комсомолс совамсто аякетас сермадсь што Октябрьской революциядо икеле тетязо ды авазо роботаст вельхозяйствасо, революциядо мейле—робочейт. Но теверь ашти лиякс. Шароновань семиясь (тетязо, авазо) 1931-це нестэ ульнесь раскулаченной, но сон комсомолс совамсто тень кекшизе ды манизе организациянть.

Те лиссь секс, што комсомолонь организациясь эзинзе проверя основной даннойтнень, конатнень

эсинзэ кувалт евтынзе комсомолс совиясь.

Те ашти покш предупреждени-якс комсомолонь организациятнень, што комсомолс примамс ансяк уставонть коряс.

Саранскойсэ комсомолонь кой-кона организациятнень ули эщо истят ильведевксэст, што комсомолс примамсто од ломантнень макснить ламо аволь грамотной ды а эривикс кевкстнемат.

Секс кой-кона од ломантнень появсь пелема комсомолс совамондоть. Сынь кортыть: „Пельдяно а максовить комсомолс совамонь испытаниятне“. Истямо пелемань настроения ули котонинной фабрикань ды 12, 31 № № школат-несэ од ломантнень юктсо.

Вана Мордовторгонь конторасо комсомолс Кособоковонь примамсто макснесть тензэ 11—12 кевкстнемат. Кевкстнематне истят: Мезде корты ВЛКСМ-нь програм-мась ды уставось? Кода фамилиязо ВЛКСМ-нь обкомонь секретаренть? ды лият.

Эли вана 12 № школасо Горелов тонавтицянь комсомолс примамсто макснесть тензэ истят кевкстнемат: Зняро ульнесть буржуазно-демократической революцият Россиясо?

Истят аволь видеть ды статк кевкстнематне аволь ансяк мезеяк а максыть комсомолс совиянтень, но мик тандавтыть сонзэ.

Эриви прыдомс комсомолс примамсто истямо легкомысленной отношенинть марто.

Комсомолс примамс ансяк уставонть коряс ды одс примазьтнень марто организовамс политтонавт-нема, тень кис явомс секте вадра грамотной пропагандист.

Г. Левин.

Ванномс библиотеканть

Саранск. Мокшэрзянь педучи-лищань библиотекасто тонавти-цянтнень понгонь троцкистской литература.

Вана маен 17-це чистэ монень максты „Красная новь“ журнал, конасонть ульнесь Радек троц-

кистанть 1930-це нестэ печатазь статьязо.

Сорокин троцкистанть панемстэ комсомолонь комитетэсь тейсь путовкс „ванномс библиотекань литературанть“, но тешкас мезьт-как эзь тейне.

Ерим.

кой лозунг: „а война, а мир“. Троцкий ладсо пижнесть Бухарин ды весе „керш“ коммунистнень, сынь вешть педе-пев ветямс Германи-янт марто войнанть. Сын эзь арсеяк ловомс се положениянт, што масторось муцявсь война-сонть, што эриви оймамо шка ви-ень пурнамонь кис, буржуазиянт каршо решающей од бороцямос анокстамонть кис. Ленин, Сталин ды весе партиясь максты пек ке-ме отпор Троцкоень ды „керш“ коммунистнень позициянтень, ко-на бу пачтяволь революциянт емамонть. Брестской мирэнт каршо молицянтень Владимир Ильич сестэ довсь азаргадозь виш-ка буржуатнень рупорокс, конат (вишка буржуатне) эзь вечке про-летариатонь диктатуранть.

Гражданской войнань (1918—1920) иетнестэ Троцкий ульнесь Реввоенсоветэнт председателекс. Сон пек важной таркас аравтнесь икелень офицерствант юктсто из-менниктнень ды предательтнень, руководствонть кайсесь комму-нистнень, мезекскак эзь лово ар-миясо комиссарианть, политотде-лтань ды партийной органи-зациянтнень. Ленин ды партиясь эзь кеме Троцкойнень, сынь граж-данской войнань весе решающей

фронтнэс кучилизь Сталин ял-ганть, Троцкоень канзь боевой пек важной операциятнесэ руководст-ванть эйстэ.

Гражданской войнанть прыдома-до мейле, зярдо масторось ушо-дызе мирной строитељстванть, Ленин ды большевистской парти-ясь яволявстэ экономической од политикан (НЭП) план, кона (по-литикась) теезель робочей клас-сонть крестьянстванть марто со-юзост кемекстамонть коряс ды нолдазель сенень, штобу минек масторонть изняволь социализ-мась. Троцкий мезекскак эзь лово обочей классонть крестьянстванть марто союзост ды эзь кеме социа-лизманть строямонь возможностен-тень, секс сон пижнесть, што НЭП-енть пивгстэ еми пролетари-атонь диктатурась. Сон партиянт таргизе 1920—1921 иетнестэ проф-союзной дискуссиянтень, навязы-вал „коммунизмань весе гайкат-нень винтямонь“ политиканзо, ко-на пачтяволь бу емамос. Троцкий мернесь массатнень марто парти-янт скулмавоманзо пек важной органтнень профсоюзтнень теемс государственной аппаратонть при-даткак. Партиянт ленинской ли-ниянзо каршо сонзэ бороцямось вельмиявтыль оппозиционной весе

ХУДОЖЕСТВЕННОЙ САМОДЕЯТЕЛЬНОС-ТЕНЬ КРУЖОКТНЭДЕ

Мордовиясо колхозтнэва ды совхозтнэва ули художествен-ной самодеятельностень вете ся-додо ламо кружокт ды эйсэст малав 8600 кружковецт. Те покш вий культурно-массовой роботань ютавтомасонть. Яла теке эриви меремс, што творческой вийтнень те армиясь беряньстэ ветясь эсь роботанзо тунда видима шкас-тонть колхозниктнень обслужи-ваниянт коряс, сынь тевс эзизь ютавто весе уликс возможность-тнень.

Народной образованиян район-ной отделтнэ ламонь таркава эзь ютавтне самодеятельной искусс-вань кружоктнень марто специаль-ной совещаният сень коряс, кода неень шкастонть седе парсте арав-томс роботанть, эзь толкова сынст роботамонь практиканть, эзь арсеяк вейкен-вейкен тур-тов творческой лездамонть виен-замодо, паксясо роботыцянтнень се-де парсте обслуживаниянт коряс кружоктнень социальксамодост. Народной образованиян отдел-нэнь эриви кундамс самодея-тельностьнень кружоктнень робо-таст вадрилгавтоманть.

Ней кружоктнень икеле покш задачкас ашти Сталинской Консти-туциянт коряс советтнэс кочка-мотнень анокстамось.

Кода те тевесь моли Саран-скойсэ ды лия таркатнева? Эриви видестэ меремс—лавшосто. Хоровой ды музыкальной кружоктнэ те шкас мезьсэяк эзизь одкстомто эсист репертуарост. Советс кочка-мотнень ютавтомань шкантень жо эривить анокстамс зярды од мо-рот, частушкат, музыкальной но-мерт.

Минек ине масторось аноксты Октябрьской революциянт XX го-довщинанзо вастомо. Самодеятель-ностень искусствань кружоктнэ жо те тевентень кода эриви эщо эзь кунда, ламонь таркава жо овси мезьткак а тейнить. Мекс те истя? Васняк секс, што районной ды республиканской организацият-нень пельде арась эривикс лезда-мо. Минек республикасонть те шкас мик арасть массовой моронь сборникт мокшонь ды эрзянь кель-сэ, арасть музыкальной фолькло-

ронь образецт, конат бу улевельть теезь колхозной хоровой кружок-тнэнь. Те шкас яла мокшонь ды эрзянь кельсэ арась „Ловныця-дек-ломатор“ книга. Секс ловныцянь кружоктнэнь материалт савкш-ны сайнемс школань учебниктнэ-стэ. Мокшэрзянь келень ды куль-турань научно-исследовательской институтоськак, Наркомпросось-как вейсэ советской писательтнень союзонть правлениянзо марто яла мезьткак а арсить сценической практиканть туртов стихень ды евтнемань сборникень нолдамо.

Саранскойсэ панжови народной творчестван кудо, тосо карми улеме хоровой ды музыкальной кружоктнэнь консультациян бю-ро.

Я. Григошин.

РАЙКОМЬ КОЛЫ ВЛКСМ-НЬ УСТАВОНТЬ

ВЛКСМ-нь уставонть сермадозь: „Райкомонь пленумонть тердтнемс кавто ковс весть“. Но ВЛКСМ-нь Березниковской райкомось уста-вонь те пунктонт а топавты.

Райкомонь пленумось ульнесь 1936 иень декабры ковсто. Седе мейле ютасть уш малав 6 ковт, но пленумонть вестькак эзизь тер-дтне.

Райкомось истяжо а топавты пленумонть путовксонзояк. Декаб-ря ковсто пленумось эсинзэ путо-вксонзо тешкстась: „Кармавтомс физкультурань ды спортонь коряс уполномоченноенть, штобу сом ко-вонзо весть ютавтневель теоре-тической семинар физкультурной кружоктнэнь руководителтнень марто“. Аволь ансяк апак топавто те путовксось, но физкультурной весе роботаськак районсонть ка-ладсь.

Д. Митин.

единстванзо ды дисциплинанзо лангс.

Восстановительной шкань иет-нестэ Троцкий а весть снартнесь налксемс социалистической строи-тельствань трудностьтнень лангсо. 1923—1924 иетнестэ сон ушодсь од дискуссия, партиянт чумондсь перерождениясо, вешсь фракцият-нень ды группировкатнень оля-чи, революционной од поколениянт аравтнесь большевиктнень сыре поколениянт каршо. Партиясь Сталин ялганть ветямонзо коряс тапизе Троцкоень те од вылаз-канть. Партийной XIII-це конфе-ренциясь (1924 иестэ) троцкист-ской оппозициянт ловизе минек партиясонть мелкобуржуазной ук-лонокс.

Зярдо минек масторось, восста-новительной шканть прыдомадо мейле, кундась весе народной хозяйстванть социализмань койсэ одкс теаманть,—сестэ партиянт генеральной линиянзо каршо сыр-гасть Зиновьев, Каменев ды кода мерить „Ленинградской оппози-циясь“, конань сын тень мань-шезь ды двурушничазь. Зиновьев ды Каменев партиянт каршо стаясь минек масторсо социализ-манть строямонь невозможностеде

Партиянт X-це с'ездэсь (1921 иес-тэнтэ), кона кемекстызе подраз-версткант эйстэ продналогс юта-монь ленинской планонть,—путьс пеэкономической од политикадонть дискуссиянтень. С'ездэсь ловизе зыяновкс троцкистнэнь, „робочей оппозициянт“ ды враждебной лия группатнень фракционной деятель-ностенть, тейсь исторической ре-шения партиянт единствадонзо. Те решениясь категорически мерсь а тейнемс эрва кодат фракцият ды группировкат партиянт потсо ды Центральной Комитетэнтень максыть права партиясто лансемс весе сетнень, кие каяви сонзэ

118 (Пезэ 4-це страницасо)

Куракинань МТС-нть трактористэнзэ

Ардатовань район. Куракина велень машинно-тракторной станциясы роботы ансяк эщо васенце ие. Но сонзэ трактористтнэ невтсть уш роботамонь алкуксонь образецт. Те МТС-сэнт тунда видеа шка-стонтъ средней выработкасы эрва тракторонтень сави 247 гектарт. Маень 13-це чинть самс трактор-нэнь роботамонь планось покш качества марто топавтозель 186 проц-тс.

Сех вадрясто роботы 5-це ды 10-це бригадатне (бригадиртнэ — Плотников ды Пинаев ялгатне). Плотников ялганть бригадасонзэ эрва тракторсонть среднейстэ со-казь 306 гектарт ды весемезэ ван-стозь 2274 килограммт палом пель, лиякс меремс эрва тракторсонть малав 760 килограммт. Те брига-данть сех вадря трактористтнэ: А. И. Машин ды И. Ф. Михотов—эрвасы сокась 362 гектарт ды ванастаь 1037 килограммт палом пель.

Пинаев ялганть бригадасонзэ сех вадря трактористтнэ А. Е. Лысов ды А. И. Турдаков—эрвасы эсь тракторсонзэ сокась 351 гектарт ды ванастаь 1102 килограммт горючей.

Куракинань МТС-сэнт неть успе-хтнэ теезь секс, што тосо пар-сте аравтозь роботась, тракторист-тнэнь обслуживаниясь, парсте юта-втовить соцпелкстамось ды удар-ничествась, вадрясто ветяви тра-ктортнэнь мельга техничской уxo-дось.

Г. Юртаев.

Натуралистэнь кружок

Шугуровань средней школань пионертнэ организовасть юной на-туралистэнь кружок, козонь со-васть кеветее пиомерт. Натура-листнэ видсть зярва эрва кодат растений ды цецат. Примеркс. Н. Зинов ды В. Ларькин видсть соя, редискат куярт ды лият. Пивкин. Березникень район.

Германиясо касы эсь прянь маштнемась

Германиясо умок уш теевсь эря-мо-коень явлениякс се, што цела семиянь маштнить эсь праст. Гер-маниянь газетатнесэ малав эрва чистэ пачтвить кулят истят слу-чайтнеде, зярдо цела семият, ко-натнень арасть эрямс кодаткак средстваст,—маштнить эсь праст ды эсь эйкакшост.

Штутгортсо 29 иесэ авась газсо куловтызе эсь пранзо ды 2—6 ие-сэ эсинзэ колмо эйкакшонзо.

Майнцесэ газсо эсь пранзо ку-ловтызе семия, конаньсэ ульнестъ—тетя, ава ды 3—4 иесэ кавто эй-какшт.

Хемницесэ светильной газсо эсь праст куловтызе 34 иесэ мирде, 32 иесэ ни ды кавто эйкакшт: ко-то иесэ тейтерне ды 2 иесэ церы-не. Берлинэнь робочей районсонть—Нейкельнесэ эсь праст газсо ку-ловтызе робочей семия—64 иесэ ава ды сонзэ кавто покш цераanzo.

Организовасть якстере уголок

Березникень район. Шугуро-вань средней школасо пионерской отрядось организовасть пионерской якстере уголок.

Тосо улить картинкат, книгат, холдтнить стенгазетат. Тосо жо

отрядонть альбомозо, литкружо-конь стихень альманах.

Пионертнэ урокто икеле ды пе-ременастояк якить уголоконтень ды вадрясто ютавтыть шкаст.

Н. Бекшаев



Саранскоень Мокшэрзянь аволь полной средней 9-це номер школасонть проверочной испытаниятне.

СНИМКАСОНТЬ: преподавателесь Черепкин Н. И. теи прове-рочной испытаният родной келень коряс 5-це классонь тонавтницт-ненень Мелешкина Ксениянь, Купряшкинанынь ды Герайкинанень. Неть тонавтницятне испытаниятненъ максызь „отлично“.

ОГОЛТЕЛОИ ФАШИСТСКОЙ КОНТРРЕВОЛЮЦИЯНТЕНЬ ТРОЦКИЗМАНТЬ КИЗЭ (П Е З Э)

троцкистской лозунгонть марто. Сынъ партиянт чумондсть пере-рождениясо, кулацкой уклонсо ды ламо лият. Сталин ялгась ды весе партиясь XIV-це партс'ездсэнтъ (1925 иестэ) макссть пек кеме от-пор неть вражеской атакатненень, невтизь весе робочей классонтень, што Зиновьевень ды Каменевень троцкистской линиясь масторонть уски удалов, капитализманть ме-кев нолдамонтень.

1926 иестэнт Троцкий, Каменев ды Зиновьев допрок тейсть эсь ютковаст беспринципной блок. Сынъ кармасть пурнамо икеле та-пазь весе оппозиционной группир-овкатненень, тейсть эсист оппози-ционной центра, эсист подпольной организациянт, апеллировасть Ко-минтернасонть весе оппортунист-ческой элементтнэнь ды, пар-тиянт каршо эсист бороцямосост, стясть прямой контрреволюциянь ки лангс.

1927 иестэнт троцкистнэ пар-тиясонть ертозельть 1927 иень ноябрынь 7-це чистэнт антисове-тской демонстрациянтень организо-вамонть кис, двурушничестванть кис ды партиянт манямонзо кис, ашогвардейской элементтнэнь мар-то сюлмаванть кис ды сень кис, што сынъ бажаст се шкастонть

военной опасностень нолдамс-тевс Советской Союзонть пораже-ниянзо туртов. Истя троцкизмась теевсь контрреволюционной бур-жуазиянт икеле молиция отрядокс-кона вети бороцямо советской властенъ каршо, социализманть каршо.

Троцкизманть седе мейлень-шкань весе деятельностисэ—пед-пез контрреволюционной преда-тельства. Троцкистнэ стякшность вете нень планонть каршо, коллек-тивизациянт каршо, вейсэ фашиз-манть марто сынъ анокстыть вой-на советской государстванть кар-шо, эстет лездамо тердить капи-тализманть правой реставраторт-нэнь—Бухаринэнь, Рыковонь, Том-скоонь, конат теевсь троцкистнэ-нень лездыцкс сынст фашистской роботасонть, вейсэ ветить контр-революционной бороцямо пар-тиянт ды советской властенъ каршо.

Социализманть касомазо, коллек-тивизациянт изнякштэ, кулачест-ванть прок класс маштомась ми-нек масторсонть допрок калавтызь троцкизманть пильге алдо неженъ. Троцкистнэ, минек масторсонть эксплуататорской тапазь класст-нэнь кадовиксэст лангс нежедезь,—кармасть ветямо бороця-

монь меельце, фашистской сех-отчаяной средстватнес—индиви-дуальной террорс, шпионажс ды вредительствас, минек родинанть пельксэнь-пелькс микшнеманть.

Неень шкань троцкизмась теевсь-фашизманть прямой агентуракс, вейсэньгадсь сонзэ марто, роботы-сонзэ заданиянзо коряс. Троцкист-ско зиновьевской террористичес-кой центрась маштызе Сергей Ми-ронович Кировонь, снартнестъ маштомо Молотов ялганть, анокс-тасть покушеният Сталин, Каганов-вич, Орджоникидзе ялганть ды политбюронть лия члентнэнь лангс.

Киров ялганть маштыцятненъ-лангсо, фашистской террорист-тнэнь—Зиновьевень ды Каменевень лангсо, параллельной троцкистской антисоветской центранть—Пятако-вонь, Радекенъ, Сокольниковонь ды лиятненъ лангсо процесстнэ-невтизь минек масторонть труди-цятненень ды весе мирэнь труди-цятненень, што троцкистнэ умок-уш „теевсь сиведемань коряс-омбо мастортнэнь разведыватель-ной органтнэнь кедьсэ роботыця-вредительтнэнь, диверсантнэнь, шпионтнэнь, машиниятненъ прин-циптэме ды безыдейной бандакс“, што „неень шкань троцкизманть-каршо бороцямосонть ней эрявить-аволь ташто методтнэ, аволь дис-куссиянь методтнэ, но од методт-юрнэк таргамонь ды тапамонь ме-тодт“. (И. Сталин).

ТАРГАМС ОТВЕТСТВЕННОСТЬС

Маень 2-це чистэ Кочкуровань почтас сась Суликов Родиононь-лемс серма. Сермань кандклициясь-Елистратов Федор Сем. те сер-манть максызе аволь Суликов-нэнь, но Кудашкина Анна Пет-ровнанень, конась серманть пан-жизе ды ловнызе ломань ютксо.

Те сермась Суликовнэнь пач-кодсь ансяк маень 5-це чистэ. Зяр-до жо Суликов кортась Сталин-ской Конституциянт те грубой коламодонзо сермань кандклициянт-Елистратов марто, сестэ Елистра-тов мерсь тензэ:

—Ах, тон эщо мурнят монь-эйсэ! Зярдо эщо сы тетя серма, мон сонзэ пултаса. Истя и содак, што монь пельде тон больше сер-ма а получают.

Елистратов те шкас апок тарга-ответственностьс.

Колхозник.

УШОДОВСЬ КИЖ-В СТУДЕНТЭНЬ ПРИМАМОСЬ

В. В. Воровский лемсэ Журна-листикань Коммунистической Ин-ститутось кармасть 1937-38 тонав-нема иенень студентэнь примамо.

Институтось аноксты районной, фабрично-заводской ды транспор-тонь эксплуатационной отделениянь-газетатненень редакторт ды лите-ратурной роботникт.

КИЖ-ев примавить ВКП(б)-нь-ды ВЛКСМ-нь члент, конатненъ ули-прядозь средней образованият.

Тонавтнеме молициятненень КИЖ-в-эряви максомс августонть васенце-чис истят документт: заявления, невтезь адрес марто; подробной-автобиография, конась улэзэ сер-мадозь молициянт подчерксэ; пар-тийной эли комсомольской орга-низациянт (партиянт эли комсомо-лонь райкомонь) развернутой ха-рактеристика партийно-комсомоль-ской эли газетной меельсэ робо-тадонть; справка шумбра-чиде; справка воинской обязанностень-отношениядонть; кавто фотокар-точкат.

КИЖ-в молициятненень августонь-васень чистэ 20-це чис кармать-улеме испытаният ВКП(б)-нь исто-риянт, литературант, рузонь ке-ленть, физиканть, химиянт, гео-графиянт ды математиканть ко-ряс. Испытаният а кармать улеме-сетненень, конатне прядызь сред-ней школасо основнй предмет-тнэнь отличнасто ды сеть, конат-ненъ улить прядозь высшей обра-зованият. КИЖ-с примавить 18-иестэ 35 иес.

КИЖ-в примазь студенттнэненъ-карми улеме максозь общежитият-ды степендия кованть 250 целко-войть.

Тонавтнемань шкась 3 иеть. Институтонть адресэзэ: Ленин-град, 8, канал Грибоедова, 166.

ВИТЕВКС

„Ленинэнь киява“ газетанть ма-ень 22-це чинь номерсэнтъ васень-полосанть васень колонкасонть ал-до 4-це строчкасонть лиссь иль-ведькс, кона теевсь сень кувалт, што радио вельде а видестэ при-мазель Торопченонь ялганть фа-милiazо. Газетасонть сермадозь: Торопченков, ловномс эряви: То-ропченонь.

Отв. редакторось М. ЛЮПАЕВ